



394258

Mag. St. Dr.

III

Biblioteka Jagiellońska



stdr0021826



3564/100V  
3456  
Sen  
CASTALIUS  
CRACII PARNASSI

IN  
GEMMIFEROS AMNES  
IX. VV. DD. PRIMÆ LAUREÆ CANDIDATIS  
DUM

In Alma Universitate Cracoviensi

PER

*Clarissimum & Excellentissimum Dominum,*

D. M. VALENTINVM  
IOSEPHVM  
LURENSKI,

Philosophiæ DOCTOREM & PROFESSOREM, Colle-  
gam MINOREM, ad Collegium Juridicum Vocatum,  
Apostolicum NOTARIUM,

Præsente Magnorum Hospitum Coronâ  
AA. LL. & Philosophiæ BACCALAUREI  
Ritu Solenni crearentur;

AB  
IGNATIO MIKLASZEWSKI,

Ejusdem Laureæ Candidato,

Metrô & Calamô gratulatoriô

DIDUCTUS.

Annô Domini 1725. Die 24. Martij.

CRACOVIAE, TYPIS UNIVERSITATIS.



In Stemma  
**CELSISSIMI PRINCIPIS**  
**ILLUSTRISSIMI**  
 &  
**REVERENDISSIMI**  
**DOMINI.**



**AGNUS** Gradivi Patriam defendit ab æstu,  
 Castalios fontes gemmiferosq; bibat.  
 Velleris aurati quotquot sua stamina gestat,  
 Amnes tot Gangis tot numeretq; Tagos.

**FRANCISCUS MIKLASZEWSKI,**  
 Rethorices Auditor.



394258





CELSISSIMO PRINCIPI,  
ILLUSTRISSIMO  
REVERENDISSIMO DOMINO,  
D.CONSTANTINO  
FELICIANO  
IN SZANIAWY  
SZANIAWSKI.

DEI & Apostolicæ Sedis gratiâ,  
EPISCOPO CRACOVIEWSI,  
DUCI SEVERIÆ,  
Vniversitatis Cracoviensis  
CANCELLARIO.

**P**RÆSVLEA TuaCruce à teme-  
rario absolvi cupio ausu CEL-  
SISSIME PRINCEPS, quòd  
primum mei Philosophici hono-  
ris gradum meq; totum Tuis  
beneficis subſterno plantis. Facio id non  
ideo, ut hic in Artibus gradus à Tuo Genti-



litio calcatus AGNO altioremi mihi eleve-  
tur in ascensum, sed quia primus est, Tuo  
dicandus AGNO, qui pridem factus est im-  
maculati Primitiæ AGNI & victima toti  
gratissima Cælo. Licet verò Divinioribus  
sit immolatus Aris, Gradivo tamen & Bel-  
lonæ, quam dexterrimè spirat, sacratum to-  
ta Polonia evincit. Sustinuit ARIES hic  
non unum pro sua Patria & Ecclesia impe-  
tum, & nunquam ejus fortissima vacillâ-  
runt cornua; ex quibus veriùs quàm ex A-  
maltheæ cornucopijs omnis in Rempubli-  
cam felicitas promanat. Mitis meretur vo-  
cari AGNVS, sed hostibus leo terribilis,  
cujus conspectu tanquam timidi lepores in  
fugam aguntur. Gerit semper non sibi,  
sed publico bono auream lanam, qua ha-  
bet Senatus purpuras, Rota Equestris To-  
gas, Bellona sagum. Vbiq; à magnis Præ-  
decessoribus cæpta gloria, in Te PRIN-  
CEPS maxima relucet. Dicerem Abori-  
genes Tuos Atavos & Avos magnumq; Ge-  
nitorem Mavorti propterea militasse, ut  
Tibi bello captæ Tiaræ in spolium veni-  
rent, sed jam Orbi constat Te meritâs pro-  
priis



<sup>Esse. aug.</sup>  
prius summos titulos adæquasse. Ante  
Curules Senatorias, jam magnus in Re-  
publica Stator, jam Pater Patriæ esse  
merueras, non vocari. Inter purpura-  
tos Regni Proceres verè FELICIA-  
NVS, quia ubiq; CONSTANTI-  
NVS. Ad Vladislaviensem Infulam  
ideo tantum Regnante nobis feliciter  
SERENISSIMO & INVICTISSIMO  
AUGUSTO Il stimulante, proces-  
sisti, quia in arduis negotiis plurimum  
valens. Eo tempore benigno Numi-  
num favore Orbi Lechico datus, quo  
illi Intelligentia Motrix optabatur, quo  
implicatissimi difficultatum nodi Ma-  
cedonem postulabant. Mars internus  
externusq; fulminabat Vrbes, domo-  
rumq; tecta, villas in favillas vertebat,  
undiq; in liberum populum gravibus  
vinculis læviebat. Mutuis vulneribus  
se ipsos conficiebant Cives, interq; Ma-  
jestatem & libertatem maximum discri-  
men erat. Ilias fermè malorum tota  
Polonia & calamitatum theatrum fune-  
stissimas nonnisi repræsentabat scænas;



sed hæc ne caderet à culmine Troja,  
suum Te **CELSISSIME PRIN-**  
**C EPS** Hectorem invictum animo,  
suum Priamum consiliò magnum, suum  
Atlantem habuit infractum. Revoca-  
sti militem ad pristinam disciplinam,  
imò in meliorem statum reduxisti. Se-  
dasti magnas inter Cives discordias, ex-  
plicuisti quæ Majestati reverentia, quæ  
libertati conservatio debetur. Pedò  
**PRÆSVLEO** in pedem vertisti pericu-  
la, & pacis almæ oleas Sarmaticis Cam-  
pis implantasti. Crucis Tuæ signò ex-  
tra limites Regni pepulisti sinistra, & sub  
Te **CONSTANTINO** triumphalia Po-  
lonis insignia erexisti. Sanè Tibi se to-  
tam Polonia debet, Tibi suos Cives ab  
ultimis servatos ruinis. Tantus hosti-  
um Triumphator, simulq; cordium Po-  
lonorum Victor Cracium Vavellum al-  
terum olim Sarmatiæ Capitolium in-  
gressus, sub majori Infula Ducaliq; Mi-  
tra grandiores moliris curas. Divorum  
Aræ meliori ut redoleant thure, Pasto-  
rali provides vigilantia, gladiumq; Se-  
veri-



verienſis Ducatûs ita optimè ſtringis ut  
ſceleri timor & certum virtuti tutamen  
præſidiumq; adſit. Vitam Tuam CEL-  
SISSIME PRINCEPS diſcutias totam,  
nonq; Tibi, ſed bono Te publico natum  
credito, quod ita omnes profitentur. Un-  
dè magnæ Tuæ Proſapiæ Genus altum  
eſt, ſed in altius gloriæ culmen Te  
P R I N C I P E ſublimatur. Qui-  
cunq; ſunt apud Lechicum Orbem in  
ſtupore ſummaq; æſtimatione, eruntq;  
S Z A N I A V I I, illorum magnitudo,  
Tuorum altitudine meritorum menſu-  
ratur & menſurabitur in ævum. In o-  
mnibus illis Divinior virtus niſi Cæle-  
ſtia & maxima ſpirat, in Te tota Cæ-  
leſtis eſt, & ita ſublimis ut ingeniorum  
conceptu nequeat attingi. Quare to-  
tus in Tui venerationem deſino PRIN-  
CEPS CELSISSIME Caſtalium  
hunc ingemmiferos diductum amnes ad  
Tuum gratioſum derivò ſinum, quem  
cum ſuo Cracio Parnaſſo Tuus bene-  
ficus alluat favor. Subijcio profunda  
cum ſubmiſſione PRÆSVLEIS plan-



tis honoris mei Philosophici grâdum,  
& ut eminentissimos P A T E R Patriæ,  
Ecclesiæ grande decus, colume & præ-  
sidium, boni publici Stator, tutamenq;  
maximum, felix, vitâq; longævâ bea-  
tus conscendas honores, non desino  
vovere

Celsitudinis Vestræ,  
Illustrissimæ & Reveren-  
dissimæ Dominationis,

*Servus humillimus & cliens*

IGNATIUS MIKLASZEWSKI,  
AA. LL. & Philosophiæ Baccalaureus.



THAUMATURGO

GRATIA RUM

FONTI

Sanctitatis & Sapientiæ

ABYSSO

D. JOANNI

CANTIO

Regni Poloniæ, & Vniuersi-  
tatis Cracoviensis

PATRONO,

Copiosis Cælestium favorum rivulis  
Arenam, Literariam & Lechicum Campum riganti,

ODE VOTIVA

CUM LEMMATE

Veniunt hoc flumina Fonte. Statius



Ilderum Princeps decus & Polorum,  
Vlx suos sparfit radios in Orbem;  
Illico magna ex minimis oriri  
Posse probantur.

Parva scintillæ renitet favilla,  
Attamen flammæ, tumidos & ignes,  
Apta non desint alimenta, solum.

Edere sivevit.

C

Sæpe



Sæpè non magno fluvius peramplus  
Fonte procurrit, rapidis & undis  
Vasta Neptuni Thetidosq; Regna  
Implet & auget.

CANTIUM fonti similem fatemur,  
Gratias per quem spatiosus Orbis  
Haurit immensas, habet & quotannis  
Mille favores.

Monte de celso scatebras capessunt  
Fluminum cursus; dedit & beatas  
CANTIO cunas Lechici remotus  
Angulus Orbis.

Fontibus quondam levior vetustas  
Reddidit cultum; Tibi Doctor Alme  
Debitas cuncti damus ex profundo  
Pectore laudes.

Mos enim quemvis jubet, ut coronet,  
Quos bibit fontes: nihil est in Orbe  
Iustius, quando sequitur favorem  
Umbra favoris.

Plurimas & nos Pater & Patrone  
Gratias à Te tulimus necesse,  
Ut Tuum Nomen veneremur omnes  
Poplite flexo.

Sicut Ægypti populus frequenter  
Haurit ex Nilo; ditio Polona  
Non secus tollit bona cuncta de Te  
Fonte JOANNE.

Fons es o CANTI! properamus ad Te:  
Irriges nostros animos tenellos  
Rore doctrinæ, placidè virebunt  
Omne per ævum.

Gratijs tantis nimium beati  
Ad Tuas aras, memores earum  
Sæpè fitemus, pia vota dando,  
DIVE JOANNES.



ILLUSTRIBUS CLARISSIMIS & ADMODUM  
REVERENDIS DOMINIS

DD. EXAMINATORIBUS

*Illustri Clarissimo & Admodum Reverendo Domino*

D. M. GREGORIO FILIPOWSKI,

Philosophiæ Doctori, Regio Cursusq; Vladislaviani & lingvarū  
Exoticarum Professore, Collegæ Majori Ecclesiarum; Collegiatae

S. ANNÆ Canonice, Parochialis in Pobiedr Curato ac  
interea Philosophicæ Facultatis

DECANO

*Illustri Clarissimo & Admodum Reverendo Domino*

D. M. MATTHIÆ FEDEROWICZ,

Philosophiæ Doctori, Regio Professore, Collegæ Majori, Eccle-  
siarum; Collegiatae S. ANNÆ Scholastico, Parochialis in Iani-

na Curato, Universitatis PROCURATORI,

*Clarissimo & Excellentissimo Domino*

D. M. VALENTINO LURENSKI,

Philosophiæ Doctori & Professore, Collegæ Minori, ad Collegiū  
Iuridicum Vocato, Apostolico NOTARIO.

Rhenus Nobilis fluvius ex Alpibus oriens, Belgas  
à Germanis dividens in Oceanum septentrionalem  
tribus Ostiis influens Virgilio lib: 8. testante, ab

Authore offertur;

CUM LEMMA TE

Manant de fidere fontes. Manilius.

Cessere Nives, veris honos redit,

Cælum serena luce potentius

Splendescit & nitore cuncta

Florigero decorantur Arva,

Mulcet Favoni temperies comas,

Quas pandit arbor, terra repagula

Confringit, ut tandem supernè

Flore novo satiemur omnes.



Sterère fontes, quos glacialibus,  
Hyems ligavit torrida vinculis,  
Modò susurrantes recurrunt  
Ac strepitu recreant colonos.

Et noster Amnis profluit ocyus,  
Quando fluentis, sat locupletibus  
Adest repletus gratiarum,  
Quæ toties bibit ore pleno.

Non jam superbis Alpibus abditum  
Adscribit ortum, prodijt ex quibus;  
Vobis sed ô magni Patroni  
Innumeris titulis canendi.

Novas meretis laudis adoreas,  
Quas Musa vobis Præsides cum suo  
Decantat, aptis munerando

Carminibus benefacta vestra.

Tu FILIPOWSKI primus in ordine,  
Tu gemma nostri splendida sæculi  
Ades DECANUS purpuratus,  
Qui regimen regis eruditum.

Te si tacerem carmine debito,

Meisq; chordis; ipsa tamen canet

Te Musa sæclis æviternis

Ore Tuo cumulata docto.

Quidquid loqueris cuncta celebria

Adsunt, fatentur Te Cathedræ Sopham,

Doctum sed Exedræ Periclem.

Contiguos memorant per Orbes.

Promptus lacertos mille laboribus

Submittis, ut Te magnanimum probes

In arduis Virum; seniles

Te superi foveant per annos.

Pares mereris laudis idoneæ

Referre honores, qui paribus nites

In Orbe docto FEDEROWICZ

Dotibus ingenij profundi.

Excel-




Excelsa scandis culmina gloriæ,  
Scientiarum notus acumine  
Qui Rhetorum Vatumq; dites  
Visus eras recreasse gazas.  
Hæ si deessent, dat Tibi divites  
Stagyra laudes, cujus in area  
Cursum biennalem legendo,  
Prælia docta satis movebas.  
Tantus videris nunc Academico  
In Orbe, quantum Te loca publica  
Quantumq; Magnatum senatus  
Vidit & stupuit videndo.  
Iam Te filebo; Metra LVRENSCIO  
Dicabo Vates, ut sciat ultimus  
Orbis Britannus, discat ingens  
Danubius Simois & Hebrus.  
Hic laureato Palladis inclytæ  
Cinctus corymbô, Metropolim celer  
Primam Poloni adivit orbis  
Dotibus ingeniôq; clarus.  
Ibi Professor sat stetit optimè  
Pro Gentis almo nomine sæpius  
Laudes meretur; Tullianam  
Quòd referat gravitate svadam.  
In has abiret penna disertior  
Ni fama nomen veçtet & omnibus  
Hunc posteris dicant sacrati  
Pontificum Canones celebrem.  
Ergo Virorum maxime Ternio  
Tibi superbas cesso Panegyres  
Formare, verum corde grato  
Vota fero numeris tenellis.  
Longos per annos vivite Nestores  
Semper secundi; Iuppiter annuat  
Votis supremus, qui rependat  
Debita pro meritis laborum.

D

CASTA-



CASTALIUS  
CRACII PARNASSI  
IN  
GEMMIFEROS AMNES  
IX. VV.DD. PRIMÆ LAVREÆ CANDIDATIS  
DIDUCTUS.



II. V.D. ANTONIO CASIMIRO  
de Strzegoćin

STRZEGOCKI,  
Eridanus Italiæ fluvius ab Alpibus veniens  
CUM LEMMATE

Cælo gratissimus Amnis. *Virg: Lib: 8. Æneid:*

**P**egasides celso Parnassi surgite monte  
Atq, cito passu relictis dulcibus auris,  
Præsida cum vestro nostras curratis ad oras.  
Dotibus egregijs STRZEGOCKI Palladis Orbe  
Claret, ei carmen festivum psallite quæso,  
Huic Genus à Proavis magnis, illustre Paternæ  
Nomen adest virtutis, & ipse probissimus esse  
Contendit; nulli non notus nomine magno.  
Comparet Aonidum Princeps plectrumq; prehens  
Iam manibus cytharam jam pectine pullat eburno,  
Vt laudes resonare queat, quas facta reposcunt  
Digna q, stoa sophûm quem docta Periclem.  
Rostra probant, cunctiq; vident in dotibus alium.  
Ergo sit felix adversæ fortis in annos.  
Nestoreos voveo non noscat; semper amicam  
Fortunam teneat, Cælo gratissimus Amnis  
Eridanus placidas illi despumet Arenas.



### III. V. D. PAULO KOSICKI,

Tagus fluvius Lusitaniæ aureas habens  
arenas immixtas secundum Plin: *Lib: 3. Cap:*


#### CUM LEMMATE

Tempestate sua pretiosus. Claudianus

**A**Vde laurigeræ filia Phocidos,  
PAVLO vividius psallere carmina.  
Hoc virtus meruit, facta decentia

Hoc poscunt, quibus in Palladis area  
Sat pulchrè nituit tempore quolibet.  
Primâ bella manu movit, aheneum  
Hostem jam domuit mentibus abditis  
Inferum. Quoties arma scientiæ  
Vibravit, toties visus in area  
Est victor celebris mentis acumine.

Ergo tramite quo currere protinus  
Cæpisti, hoc properes, culmen honoris &  
Attinges citius, quod Tua gloria  
Majorumq; Genus Nobile comperit.  
Semper lene fluens Hesperius Tagus  
Tempestate sua qui pretiosior  
Est cunctis fluvij; gemmiferas Tibi  
Per longum spatium volvat arenulas.



### IV. V. D. ALBERTO BIEGACZEWIC,

Hermus fluvius minoris Asiæ aureas arenas  
trahens. *Plin: l. 6. Cap: 29.*


#### CUM LEMMATE

Dives propellitur unda. Statius.

**I**Actet superbas divitias vigil  
Mercator, aut quæ divitis Indiæ  
Paëtolus auratusq; volvit,  
Vorticibus Tagus æstuosis.



Insignis alma miles adorea  
 Ostendet amplas hostibus exteris  
 Prædas receptas, & trophæa  
 Mille ferat cataphractus Orbi.  
 Majora longè præmia de hostibus  
 Menti nocivis omine prospero  
 Semper BIEGACZEWIC tulisti,  
 Eximio renitens decore.  
 Carus fuisti Pieridum choro,  
 Dum militasti non sine gloria,  
 In literis sacrata arena,  
 Eloquij celebris cothurno.  
 Ergo secundis passibus expete  
 Honoris altum, quod meritis Tuis  
 Pallas paravit erudita,  
 Hoc Tibi corde precor faventi.



V. V. D. MARTINO WROBLEWICZ,

Pactolus fluvius Lydiæ deferens aurea ramenta,

*Claud:*

CUM LEMMA TE


Rutilis perdives arenis. *Claud:*

**U**Mbria præcipitem fileat jactare Metaurum,  
 Gallum Lycaonis solum  
 Hyppanidemq; Icytha.  
 Est certè pretium & decus ingens amnibus istis,  
 Cum nomen illorum vetus  
 Semper in orbe manet.  
 Non tamen & rutilis notus Pactolus arenis  
 Oblivioni traditur,  
 Tectus ut esse queat:

Lydia



Lydia dives opum varijs contermina Regnis  
 Intra suos fines eum  
 Continet atq; locat.  
 Hunc ergo MARTINE Tuis virtutibus amplis  
 Dicare censui, quibûs  
 Non sine laude nites.  
 Est pudor & pietas in Te moresq; modesti;  
 Molem pusilli corporis  
 Mente levare studes.  
 Vive precor felix sub lauru Palladis almæ,  
 Ac dotibus Tuis detur  
 Magnus honoris apex.



VI. V.D. FRANCISCO RYCHTALSKI,  
 Hydaspes fluvius Indiæ per Parthos & Mædos flu-  
 ens. *Luc: Lib: 6.*

# CUM LEMMA TE.

Placidis prælabitur undis. *Luc:*

**C**ognatus Cælis alios delectet Olympus,  
 Et ventis obnoxius Hamus.  
 Flor' da permultis retegat spectacula Tempe,  
 Ac alios demulceat Ida.  
 Detineat si quem Parnassus colle bicorni;  
 Aut florens vel dulcis Hymettus.  
 Te FRANCISCE rapit gemmîs impletus Hydaspes,  
 Qui placidîs prælabitur undîs.  
 Splendidior glacie vitroq; est clarior omni,  
 Cuncta levat recreatq; susurro.  
 Hunc offerre Tuis meritis Franciscæ decebat,  
 Ut gemmîs Te ditet honoris,  
 Præmia facta tui longè majora requirunt,  
 Palladio quibûs Orbe refulges.




Interea referas hæc à me dona favoris,

Posteritas majora parabit.

Huic ego cedo libens, Tu solum sæcla per ampla

Incolumis faustusq; perennes.



VII. V.D. FRANCISCO MATLIKIEWICZ,

Ticinus fluvius Insubriæ in Eridanum fluens,  
à quo Ticinum Urbs nomen accepit. Phil:

CUM LEMMA TE,

Secundo defluit Amne. Virg:

**I**N loco digno celebri vel Vrbe  
Publicam lucem radiantis Orbis  
Ingredi, magnum decus est & ingens  
Gloria multis.

Tu MATLIKIEWICZ celebri sat Vrbe,  
Cui dedit quondam nova claustra Cracus,  
Prodis in lucem, titulos mereris  
Mille referre.

Emines pulchris Jagelonis Orbe  
Doribus, Pallas trabeata discit,  
Præmijs illas decorare dignis

Tempore certo,

Ergo millenos sine nube soles  
Sorte felici numeres beatus,

Nulla successus patiaris unquam  
Ferre pericla.

In salebrosas Phætonis undas  
Influens amnis Ticinus beatas  
Insulas pangat Tibi tum secundo  
Defluat Amne.

VIII.



VIII. V.D. JOSEPHO RYMINSKI,  
Padus fluvius è gremio Vessuli montis celsissimū  
in cacumen elati profluens, nulli amnium claritate  
inferior. *Plin: l. 3. Cap: 14.*

CUM LEMMATE,  
Rivos è sidere ducit. Manilius.


**P**Rimos continuò Montibus arduis  
Rivos eliciant flumina plurima,  
Istos sidere solus  
A cello Padus inchoat.

Talem ferre Tuis dotibus inclytis  
RYMINSKI statui, qui nihil eligis  
Non summum, cupis esse  
Multis ingenio prior.

Docti Virgilij Metra placent Tibi,  
Quem felix calamo cordis anhelitu  
Exoptas imitari,  
Dignus Sicelidum chorò.

Clares carminibùs sed tamen æmulus  
Magnis esse studes eloquio Viris,  
Vt non ultimus Orbe  
Sistas Palladis ocyus.

Quare grande decus vive Parentibus,  
Magnis vive diu faustus honoribus,  
Qui sudore parantur,  
Amittuntur & otio.





IX. V. D. JOANNI LYCZENSKI,  
Nilus septem Ostijs fluens Ægypti fluvius, quam  
sua inundatione feracem reddit. Servius.

CUM LEMMA TE,  
Non est fecundior ullus. *Vrg.*

**U**ltimus in carmen LYCZENSKI prodis amicum,  
Vt omnium claudas agmen fortissimus.  
Semper enim fortes animò studiòq; valentes  
Finis requirit atq; deponit Viros.  
Talem LYCZENSKI Te cunctis esse remonstrat,  
Quem pertulisti non semel gravem labor.  
Te decertantem toties Lycæa Sophorum  
Norunt, probârunt atq; rostra Tullium.  
Te decet insignis gravitas, prudentia, candor  
Morumq; blanda circumscribit comitas.  
Egregijs certè resplendes dotibûs, illas  
Felicitas omnis circumstet, protinus  
Ægypti fluvius septem per ostia currens  
Tibi secundo semper amne defluat.  
Fausus & incolumis grandævum Nestora vincas,  
Gratissimo Tibi precabor pectore.



I. V. D.



I. V. D. I G N A T I O  
M I K L A S Z E W S K I,  
Primæ Laureæ Candidato  
A U T H O R I O P E R I S

In vim gratitudinis & congratulationis

ALBERTUS BIEGACZEWIC,

Arimasum fluvium scythiæ in Asia aureis arenis  
abundantem. *Luc: Lib: 3.*

Offert

C U M L E M M A T E

Præstantior omnibus unus. Homerus.

**F** Lumina magna vides latè diffusa per Orbem,  
Fluctibus à liquido derivant æquore lymphas;  
Ast illas iterum diversis fontibus auctas  
Restituunt Pelago, labentes murmure grato.  
Ingenium sublimæ Tuum, mens docta profundè  
I G N A T I pelagus censetur; gurgite vasto  
E cujus veniunt in postras flumina laudes,  
Non steriles cumulos vilis volventia arenæ,  
Dite sed auratas referentia littore gazas;  
Quæ nostram rutilo famam splendore decorant.  
Quid mirum! cùm Tu non solùm nominis igne,  
Non solùm virtute nites pretioq; laborum,  
Quos, in docta acie generoso corde tulisti.  
Eloquiò suavis, vernans sermone disertò  
Atq; arcana sophûm subtili mente resolvens;  
Ast etiam Te clara Domus sanguisq; Parentum  
Nobilis illustrat longæva ab origine ductus.  
Namq; Augustus adhuc dum Regni gemmea nostri

F

Sceptra



Sceptra Sigismundus, Lechicum soliumq; teneret,  
Silesijs clarus MATHIAS venit ab oris.  
Nominis hic Augusta Tui stirps atq; propago.  
Insignis meritis, generis splendore decorus,  
Moschorum terror; cujus per mille pericla,  
Per multas cædes confusæ stragis acervos,  
Pectoris indomiti vires animumq; ruentem  
Senserat Vîa, Potok, Nevel vicinaq; castra  
Barbaricæ Gentis, Volgam Tanaimq; bibentis.  
Auxerunt tandem famam post fata Nepotes  
Patris, CHRISTOPHORVS, GEORGIVS atq; IOANNES,  
GASPAR & amplâ laude vocalis Staneslaus,  
Ostioiâ celebres insigni semper Avito.  
Verûm quidquid in his Orbis spectando Polonus  
Obstupuit, totum id majori luce coruscat  
In Genitore Tuo; Quem tollere laude decenti  
Non opis est nostræ; præconia sæclâ parabunt.  
Hoc nisi proferimus: fulges velut ignibus æther  
Dotibus ingenuis; meritò dicendus aquarum  
Oceanus, virtutes ex quo solis adinstar  
Emergunt, fluvijq; strepunt pro laude perenni  
Nostrûm; Quos in te grati convertimus omnes.  
Vnum præcipuè tamen, ex alijs qui dignior esse  
Dicitur, & cunctos proprio superare valore  
In munus placidum damus, Illi vota ferendo:  
Prospera quæq; Tibi Fluviô hoc fortuna vehatur,  
Cûi pro Favonijs sit felix vita superstes,  
Non alius portus, nisi summi semper honores.



Eidem



Eidem Authori operis  
V.D. IGNATIO MIKLASZEWSKI  
MARTINUS WROBLEWICZ

ex circumstantia stemmatis accinit,  
& Fluvium Gangem universam Indiam secantem u-  
num illorum, qui profluunt de Paradiso Ovidio 4.  
Metamorph: restante offert.

CUM LEMMATE,  
Nitidis argenteus undis. Ovidius.

**N** Ascentem coluit Lunam Romana vetustas,  
Nunc etiam Lunas pronus adoro Tuas,  
Luna suam recipit splendorem à sole corusco  
Hæ propriâ semper luce nitere solent.  
Aureus est illis color, hoc quo climate fulgent,  
Aurea nam Patriæ non nisi sæclâ parant.  
Inter eas nimiùm districtus prominet Ens,  
Exacuit calamos, laudis in omne metrum.  
Stemmatis in galea Pennæ cernuntur Avitæ,  
Hæ MIKLASZEVI nomen in astra ferunt.  
Vive igitur faustus veniens ab origine clara  
Nulla nocere Tibi fors inimica velit.  
Ganges quem Tibi do nitidis argenteus undis,  
Felici cursu gemmea dona vehat.





**Sub Felicissimis Auspicijs,**

*Magnifici, Perillustri & Admodum Reverendi Domini,*

**D.M. JOANNIS  
L U K I N I,**

U. J. DOCTORIS & PROFESSORIS, Ecclesiarum Col-  
legiatarũ; Visliciensis & SS. OO. Crac: PRIMICERIJ,  
Slawkoviensis PRÆPOSITI, Contubernij Regio Jagel-  
loniani PROVISORIS, Studij Almæ Universitatis

Cracoviensis Generalis ac Vigilantissimi

**R E C T O R I S.**



ms. n. 107  
46 48 uniuo

46 28 86 28 uniuo





